



**Departement für Volkswirtschaft und Soziales Graubünden
Departament d'economia publica e fatgs socials dal Grischun
Dipartimento dell'economia pubblica e socialità dei Grigioni**

Departament d'economia publica e fatgs socials
Ringstrasse 10, 7001 Cuira

www.dvs.gr.ch
tel.: +41 (0)81 257 23 03
fax: +41 (0)81 257 21 71
e-mail: info@dvs.gr.ch

Adressatas ed adressats tenor la glista da
distribuziun

15 da schaner 2024

**Realisaziun da la taglia minimala da la OECD en il Grischun:
Revisiun parziala da la Lescha da taglia per il chantun Grischun e da la Lescha per
promover il svilup economic en il Grischun**

Consultaziun

Stimadas dunnas e stimads signurs

Per realisar la taglia minimala da la OECD en il chantun Grischun As suttamettain nus il sboz per ina revisiun parziala da la Lescha da taglia per il chantun Grischun (LT; DG 720.000) sco er da la Lescha per promover il svilup economic en il Grischun (LSE; DG 932.100).

Il pievel ed ils chantuns han approvà ils 18 da zercladur 2023 l'introducziun da la taglia minimala da la OECD en Svizra. Cun la midada da la Constituziun federala è vegnida creada la basa legala per garantir l'imposiziun minimala da 15 pertschient per gruppas d'interpresas cun ina svieuta da passa 750 milliuns euros en furma d'ina taglia complementara. Las entradas da la taglia complementara da la Confederaziun van per 75 pertschient a favur dals chantuns. Ils chantuns èn obligads da participar las vischnancas commensuradamain a las entradas. Da la taglia complementara vegnan ils chantuns ad esser pertutgads en moda fitg differenta. Per il Grischun èsi da quintar mo cun entradas pitschnas ed actualmain betg quantifitgables.

Resguardond il grond engaschament dal chantun per promover il Grischun sco piazza economica propona la Regenza da reparter las entradas da la taglia complementara en ina relaziun da 75 pertschient a favur dal chantun e da 25 pertschient a favur da las vischnancas. La repartiziun da l'entira cumpart da las vischnancas sin las singulas vischnancas duai vegnir fatga en relaziun cun las taglias sin il gudogn da las persunas juridicas ch'il chantun incassescha annualmain.

Plinavant ha la Regenza l'intenziun d'introducir in nov instrument per garantir la cumpetitivad dal Grischun sco piazza economica. L'armonisaziun da la concorrenza fiscala internaziunala per las grondas gruppas d'interpresas ha per consequenza che la politica internaziunala dal lieu vegn translocada sin instruments da promoziun betg fiscals. Per sviluppar vinavant la politica dal lieu propona la Regenza d'introducir credits da taglia reimbursabels qualifitgads (Qualified Refundable Tax Credits u QRTC). Cun quest instrument pon vegnir rinforzadas las activitads d'interpresa da l'economia publica ch'èn giavischadas e degnas da vegnir promovidas. Latiers tutgan l'augment decisiv da la valorisaziun chantunala, il rinforzament da la perscrutaziun e dal svilup sco er da la forza innovativa da las interpresas e l'engaschament da las interpresas en il sector da la persistenza ecologica.

Il sbozs da las duas leschas LT e LSE cun il rapport explicativ respectiv pon vegnir consultads e chargiads giu sin la pagina d'internet dal chantun sut las consultaziuns currentas (www.gr.ch → [Rumantsch](#) → [Publicaziuns](#) → [Consultaziuns](#) → [Consultaziuns currentas](#)).

Nus As envidain d'inoltrar Vossa posiziun al departament fin ils **15 d'avrigl 2024** per e-mail (info@dvs.gr.ch). Il documents da la consultaziun cuntegnan in questunari. Nus As supplitgain da duvrar quel, cur che Vus scrivais Vossa posiziun.

Nus engraziain per Vossa cooperaziun.

Salids amicabels

**DEPARTAMENT D'ECONOMIA
PUBLICA
E FATGS SOCIALS**

Il schef



Cussegliaer guvernativ Marcus Caduff

Glista da distribuziun:

- Vischnancas politicas dal chantun Grischun
- Partidas politicas en il chantun Grischun
- Chombra da commerzi e Federaziun dals patruns dal Grischun
- Uniun grischuna d'artisanadi e mastergn
- hotelleriesuisse Grischun
- GastroGrischun
- Societad grischuna dals impressaris constructurs
- Uniun sindacala dal Grischun
- Departaments da l'administraziun chantunala